

# Kien Aprilscherz – de Filappers komen!

In Märtmaant hebb ik bi en Förtbilden west. Een kann daar ok Workshop of Warkeldag an seggen. Waar dat um gung? Umweltmanagement up d' Karkhoff. Hebben ji jo daar al maal wat van höört? Seker noch neet so vööl. Geern much ik jo daar en bietje wat van vertellen. In

Düütskland giff dat du-senden van Karkhoffen.

Dat sallen wall mehr as 30.000 wesen. Bold överall in de Gemeenten

worden up d' Karkhoff Urnen bi-

sett. De Sargbegräavnissen sünd neet mehr so fraagt.

Daar sett de Gedank van dat Umweltmanagement an. Up de Karkhoffen giff dat Rüümte, wat för de Umwelt to doon. Is doch heel einfach: Wi können wat för uns Natuur maken! Fangen wi doch lüttjet an. Wi

mutten ja neet futt in de Urwald van Süüdamerika de hele Welt redden. Wi können daar bi uns vör de Huusdöör mit anfangen.

Wi können in uns Gemeente up d' Karkhoff neje Bomen un Busken poten, waar sük Vögels un anner Deren wohl in föhlen. Wi können kieken, welke Plan-ten bi uns vör de Huusdöör uns Natuur denen. En Eekboom is to 'n Bispööl för Deren vööl beter as en Taxus – un butendeem för Minsken ok neet giftig. Wi können Blömen poten, waar sük Immen, anner Insekten un Krabbelderen in tohuus föhlen.

Wi können en Karkhoff so torechtmaken, dat wi daar geern hengahn. Dat wi daar keiern gahn as in en Park of in en Wald. Well kickt sük al geern Bargaen van witte Steentjes up Grafftsteden an? Finnen ji tünnessware swarte Marmelplatten wiss mooi? Glööv ik neet. Mooi is seker anners.

Man bold elk un een sücht geern klörig Filappers

## KOLUMNE

Moin, Moin  
**Schrievers** moje  
allerbest **Spraak** hoop  
Pläseer **Vertellsel**  
Smüstern

## Platt maakt

bi 't Swieren un Swajen to. Of lüttje Eekhoortjes, de de Bomen umhoogklau-tern. Filappers finnen up Kies nix to freten – un Eekhoortjes können neet up Marmelplatten leven. En Karkhoff sall ja neet blot en Stee van Trüür un Anden-ken wesen, man ok en Stee van Leven.

Woso dürt daar neet en Bank up de Karkhoff stahn, waar sük de Minsken geern up hensetten un wat van de Natuur hebben? Ja, so as in en Park.

Nu sünd wi in de Vör-jahrstied un de Natuur word weer gröön un klörig. Ik frei mi al up de Filap-pers.



Antje Lübben